

晚

晴

移

詩

匯

晚晴移詩匯卷三十七目錄

顧貞觀 八首

曹鑑平 六首

李先復 一首

方峨 二首

姚昇 一首

張鵬佑 四首

范璐 一首

越珥 一首

余學益 一首

郭宏岐 一首

柯崇樸 六首

程尹起 二首

安致遠 三首

劉鼎 一首

徐元夢 六首

韓莢 八首

王鴻緒 九首

徐秉義 一首

徐倬 六首

李基和 三首

宮夢仁 二首

周士皇 一首

顏光猷 三首

汪鶴孫 六首

謝簡捷 一首

黃伸 二首

柯維楨 四首

李來章 一首

邵瓚 一首

王作肅 一首

彭定求 三首

胡會恩 四首

張榕端 三首

李應薦 一首

高層雲 二首

馬雲驢 二首

王奐曾 二首

談九乾 四首

葉舒崇 三首

納蘭性德 二十三首

李瑞徵 三首

季騏光 三首

李聘 四首

馬子驥 二首

黃之裳 二首

申頌 十四首

晚晴移詩匯卷三十七

徐世昌

顧貞觀字華峯一字梁汾無錫人康熙壬子舉人官內

閣中書有蘊塘集積書巖集

詩話梁汾少有異才尤工樂府年二十餘游京師題詩寺壁云落葉滿天聲似雨鄉關何事不成眠魏柏鄉見之即日過訪名遂大起早與吳漢槎齊名及漢槎久戍塞外說成容若營救未得寄懷金縷曲二首容若見之感動曰山陽思舊都尉河梁並此而三矣漢槎竟因此獲還時稱嘉話梁汾晚自選詩不滿四十篇旨在古澹其登滄浪亭詩云由來澹蕩人別作流傳計翕翹賤原嘗虛徐狎莊惠蓋自道也

專諸塔

倚胸交戰事誰憐埋骨猶臨大道邊結束新春兒女隊蒼涼古巷姓名傳浮圖舊俗還仍漢七首遺謀竟誤燕細飽炙魚三月味只應身寄太湖船

許溪行

溪口白雲晴不歸溪邊紅雨沾人衣老漁收罾坐釣磯人  
家賣酒開雙扉槎頭鰣老鰕魚肥短蓑藉草相因依欲醉  
不醉煙霏微去與亂鴉投落暉

雨止纈塘書舍抵暮無一人過橋上者

山淺雨亦深煙光暮如積窅然清池上蹺與塵土隔倚杖  
玩浮漚憑闌數歸翼無生復奚滅有動隨所息磬響時一  
來懷哉巖岫客願言依此境共對香鐙夕

春夜大雪念儲汜雲宿舟中詩成黯然兼寄應雲皆  
人兄弟

百里非遠涉忽嗟行路難蓬窗半夜凍積雪摧檣竿念子  
擁衾坐知余撫枕歎吳中文翰侶公譙方極歡暝響迷玉

漏晶輝瑩珠盤誰持一尊酒慰此孤舟寒前路逢二謝客  
愁應少寬平生倦水宿歷歷驚風湍

開先漱玉亭

壁立雙芙蓉正臨無底谷誰揮修月斧盡削銀河曲倒灑  
萬斛珠翻飛千尋玉有龍燭其下喧極眠更熟縱橫題石  
字但見莓苔綠洗鉢注軍持餘生此焉足

懽園

不自量筋力求爲人懽園意惟營一食迹若避羣喧誰遺  
五色芝服之詫騰竊奈非塵埃種移時安得蕃還將理菜  
畦膏澤資泉源勉試操作編籬復插援早韭和露茁晚  
菰凌霜翻但從采掇便未覺烹飪煩心形誠苦疲旣飽亦  
軒軒向讀神農書近聞老圃言

夜聞梵音

一鐙山牖出隔竹露光泣坐聽香臺人法華中夜轉清泉  
漱寒玉細入吳音軟嚼蠟況橫陳凡襟何時遣

秋曉登滄浪亭呈宋中丞

初日上東南林亭空宿翳草香珠露重的皪侵衣袂唱杳  
曲池菱吟餘小山桂猶聞遺翰墨但惜沈碑碣望古情已  
深懷賢感亦係由來滄蕩人別作流傳計翕翹賤原嘗虛  
徐狎莊惠誰陪飛蓋游屬和高文麗

曹鑑平字掌公號桐陽嘉善人康熙壬子舉人官內閣  
中書

長干行

妾家舊住古長干蕩子風濤十八灘一逐江湖去不返年

年江上孤帆遠正是離人腸斷時  
湓城月出潯陽晚

長安上巳篇

二月驅車到燕市又見春光逢上巳  
氤氲細雨度輕風吹  
徧郊原桃李芳菲三月時  
千門煙鎖綠楊枝夾道  
朱樓回繡轂良辰祓禊泛金卮  
金卮繡轂青油幕層城日出  
歌鐘作象管銀箏不暫停  
駝峯翠釜紛相錯多少游人  
策紫騮芳郊十里暝煙浮蹀躞  
錦韉垂匝匝葳蕤步障擘  
塋篋蘭皋迤邐花如霰乳燕呢喃散青甸  
遲遲晴日麗西山  
山翦翦春風臨上苑西山上苑盛繁華  
碧草芊緜墜落霞  
衛霍爭持百寶扇金張競擁六萌車  
人生富貴何能測及時行樂誰人識  
當歌對酒不盡歡  
屈首蓬蒿亦何益  
此日風光政豔陽  
此時游冶政徜徉  
釵拖赤鳳盤烏髻  
裙染鵝



黃墮馬妝只恐韶華不久待如雲車騎一朝改日斜難返  
魯陽戈萬古惟留明月在明月依然照綺筵酣歌誰似永  
和年欲採芳蘭隔江水越樹燕雲各一天竭來潦倒長安  
陌矯首君門迷咫尺平津閣上每辭賓樓船帳中無揖客  
匹馬行將去帝京漫天飛絮送歸程計到江南春色盡滿  
庭新綠亂嘯鶯

吳江晚泊

繫艇松陵道天空候雁過晚山雲影薄秋水月明多客路  
憑舟楫人煙近薜蘿蒼茫蘆荻外鷗鷺滿晴莎

舟次天津

春月辭家出津門入夏過從知燕市近還見海雲多萬堞  
臨高阜千帆蕩濁河幾同哀雁度鄉思更如何

稗賓客江陰詩以懷之

楊柳臨風兩岸斜  
思君春暮尙天涯  
幾人江上同爲客  
何處樽前不憶家  
季札殘碑淪蔓草  
春申濁浪走平沙  
旗亭早貰蘭陵酒  
莫使歸程滯落花

送季冲之任鬱林

檐帷百粵擁鳴騶  
四十專城是壯游  
驛路梅花初破臘  
炎方木葉少逢秋  
山縈峻嶺千盤出  
水落滄江萬里流  
此去日南天欲盡  
春風先到鬱林州

李先復字曲江南部人康熙壬子舉人官至工部尙書

斷臂烈婦行

烈婦鄭氏長溝民何獻圖妻少事孀姑至孝會吳逆作叛夫負餉隨征姑亦出

婦獨居突有武弁張某騰入挑之則詈誘以金愈詈再脅以刃乃大罵張連砍其頭顱遂斷左臂中夜死鄰人鳴官跡其狀見滿室血斷臂在戶右刀插戶側婦遍體傷下衣碎裂露尸四月顏如生噫

威武不屈此謂大丈夫女子云  
平哉爰紀其烈以俟采風者

長溝之山山矗矗長溝之水水曲曲蒼崖松老風謾謾村  
婦衣單形影獨織無機絲春無粟荆釵蓬鬢顏如玉良人  
長征翳可憐從軍輪輓秦師前阿婆牧犢柴桑外日斜長  
望望不還紅輪未暝青山紫馬蹏蹏陷黃塵起輕裝寶劍  
羽林郎下馬斜窺顏色喜入門偃倚餌甘言正氣剛腸森  
髮指孤身匿跡恨無門事到艱難惟一死兇徒怒起刃交  
加血花淚花落紅雨中庭電掣雷霆吼神龍只抱驪珠走  
烈婦守身誓拌身身甘百碎何惜手手既斷心如鐵血干  
行腸百結君不見漢代明妃馬上嬌銅雀空勞鎖二喬紅  
顏白骨埋荒草姓氏誰將烈女標吁嗟乎別夫不於室拜  
姑不於堂慷慨赴義何忙忙千載而下仰清風於高山之

崔巍兮與流水之汪洋

方峨字嶠雪一字玉巖大興人康熙壬子舉人官新建  
知縣有嶠雪集

贈倪永清

九峯山色高嵯峨川原平遠堆青螺劉夏村南泗水鎮片  
帆我亦曾經過此時我年方二十乍見老成尙差澀客邸  
惟拈詩與書日鍵芸窗足不出少年情性好交游一時懷  
刺干名流盧文子張洮侯朝朝約放龍潭舟松江有龍潭鱸膾  
蓴羹羅滿座玉簫金管吹清秋此中有人數詩伯開言便  
及蚪髯客清譽真應千古傳彩筆爭誇萬人敵近來作吏  
來西昌寥寥風雅推平章即或有人弄筆墨譬如無腔牧  
笛橫山莊永清倪子來日昨頓使洪都風雅作絳帳旋開

徐穉亭赤幢久樹滕王閣興酣擲管發大呼十三大郡都  
驚愕門外頻停問字車雲中又見銜書鶴驟然相見卽相  
憐須識神交已有年把臂發狂話宿昔恍若置身黃浦青  
溪邊過我訟堂一交接便覺胸中有冰雪太白劉伶共醉  
醒許由巢父同高潔卽席還當贈片言文中雄長詩中傑  
猗嗟乎君才磊落非等倫得君如得金千鈞他時歸遇雲  
間客道我爲官鬢似銀

雪過漁亭

村市溪頭雪裏經人煙寒處認郵亭沿流竹艇排銀漢劈  
面雲峯插玉屏秀絕山川渾一色空憐魚留見三星尋梅  
放鶴饒幽賞爭似兵廚醉不醒

姚昇字扶東永年人康熙壬子舉人官開化知縣有東

巖草

詩話扶東從巾舄盟兄弟以詩相切劘嘗游京師名動公卿初宰德清值歲大祲未報方徵賦扶東至力請賑多所全活目睹民艱凡有所作皆哀苦語德清士夫比之元道州春陵行罷官歸貧甚怡然自得集已佚僅見之畿輔詩傳非其至者也

西山晚眺

不識桃源路依稀訪舊林攬衣穿仄徑躡屐上高岑樹影歸雲暗泉聲落澗深山川老我輩愧此一登臨

張鴻佑字右君號念麓元城人康熙壬子舉人

雨中登北固

北固臨江峙層巒接碧霄樓吞京口月鐘落海門潮帶雨拾山果披雲採藥苗石磬逢老衲指點說金焦

雨後過海潮庵

泊舟來野寺香閣晝氤氲雨過千林溼門開一磬聞登樓  
瞻海氣掃石卧江雲不識支公社容隨野鹿羣

黃美中歸自西湖

半年離思隔江天河朔初歸訪戴船孤杖曾探天柱月輕  
裝應帶海門煙隄邊楊柳懷坡老井底丹砂憶稚川聞道  
客途詩興好高吟莫惜向人傳

西園雅集喜秋水自廣陵至

西園樽酒罄交歡雨過高城竹氣寒六月故人江上至十  
年白髮客中看池邊漲水通花徑樹杪歸雲度石欄倚杖  
深松懸暮色蒼蒼落日下煙巒

范璐富順人康熙壬子舉人

詩話康熙壬子漁洋典試蜀中璐與弟琚  
同舉平西亂作徵之不起漁洋賦詩美之

巴江柳

之子莫相送依依人可憐多年芳草路幾日豔陽天隄上  
風吹笛江邊月繫船馬蹏隨記取踏破少城煙

越珮字山公貴陽人康熙壬子舉人有澹峙軒集

秋日游憑虛洞

一龕藏古洞陟磴爲尋幽雲氣忽然合天風吹不休水爭  
三峽險山使五丁愁覽勝眞清絕新涼況入秋

余學益字勝友黃梅人康熙壬子武舉有半山藏橐

游多雲山

雲中樵斧聲偶雜樵夫語撥雲尋徑曲邈焉少伴侶登高  
一俯視離離蕩禾黍白雲無定時青山自千古

郭宏岐字文克益陽人康熙壬子武舉



見嶽樓

峻嶒高閣倚天邊授簡閭公愧少年一片江聲流檻外萬  
峯雲影到窗前消除白晝還憑酒檢點青山不用錢北望  
長安思舊侶月明回雁數行連

柯崇樸字敬一號寓匏嘉善人康熙壬子副貢官中書  
己未舉博學鴻詞有振雅堂集

自雲門步至平陽作

昨夜宿雲門晨興事清盥縈紆出松徑猶見明星爛頃時  
嵐霧收旭日乃始旦巖巒迫迴合蒼翠正淩亂前瞻化鹿  
峯隱約釣臺畔溪明魚自躍篠密猴相喚谷口聞鳴鐘林  
端辨煙爨今爲祇樹林舊是平陽觀盛衰固有由興廢何  
足歎

宿雲棲庵

遠公遺跡在古寺暮雲封磴轉蒼苔合巖迴碧樹重香臺  
時下烏陰壑暗藏龍坐久心忘寂沈沈聽夜鐘

登莫釐峯

莫釐之峯何嵯峨下有衝激之洪波波光浩渺天一色漁  
舟幾處揚清歌雲散煙空風乍息湖上諸峯開歷歷小者  
如拳大若箕遙遙空翠俱堪摘支硎穹窿作列屏層巒複  
嶂何青青道場卞山遙拱峙波中點點同流萍孤峯獨向  
湖中闕倒影入湖湖盡碧可憐萬頃堆琉璃落日沈波搖  
琥珀俯視千家粉堞雄連薨接翼自相通橘實垂時金錯  
落綺窗開處玉玲瓏此時曠望樂何極杳然如在丹青中  
來朝歸去入城郭空羨磯頭一釣翁

汝南道中

驅馬汝南道行人愁路難羣山連削壁急澗亂飛湍虎嘯  
青林密猿嘯白日寒前瞻郎子國尙有幾迴盤

過武勝關

作客由燕趙今朝入楚來巖城臨翠壁荒磴沒蒼苔山鳥  
一聲寂飛泉百道開瀟湘雲正遠征騎幾時迴

漢上贈查韜荒

我從剡北千山至君自滇南萬里來鄉思尙悲吳苑隔客  
愁且向漢江開薰風到處迷芳草玉笛吹殘怨落梅漫道  
相逢始傾蓋十年早識子雲才

程尹起號莘園莆田人康熙壬子副貢由教諭歷官嘉  
定知縣

解組書懷

自笑操刀拙經年客夢長鄉心傳雁字宦轍險羊腸老去  
花朝露歸來菊晚霜莫荒畦畔秫寄語舊高陽

明發膠城招王子翌思小飲

謝卻折腰米開嘗甕面春隔離呼共醉明日是行人

安致遠字靜子號拙石壽光人康熙壬子拔貢有紀城

詩橐

詩話靜子詩根抵摩詰文規撫廬陵晚構  
草堂三楹顏日晚讀與仲子篋講習其間

過鄭州

古戍蒼茫朔氣橫黃塵撲面野雲生人傳燕趙悲歌地水  
咽荆高變徵聲百戰河山餘廢堞清時烽燧尙孤城蕭蕭  
落日催征騎愁聽荒笳到耳鳴

當塗將歸留別葛謙齋

殘春南寺客日日計歸程  
旅夢松陰滿鄉思艾葉生  
鶯花催客恨風雨壯溪聲  
莫作江南客從來多旅情

登青州北城樓

廣固雄圖攬勝過萬峯飛  
瀑瀉長河時清鼓角秋全  
靜地近煙嵐雨易多石柱  
鰲吞翻地軸鐵幢龍怒起  
盤渦千家市逐浮槎盡祇  
有西風吹逝波

劉鼎字禹鑄平鄉人康熙  
壬子拔貢有南游草淇澳  
草匪魚草

懷家兄黃鑄及舍弟文振

最是春風大被寬東山別  
後始知寒池塘綠草長遙  
夢桃李芳園不共看路遠  
裁書逢使少家貧負米事  
親難天涯

霧露須珍重記得丁寧溢水干

徐元夢字善長號蝶園滿洲旗人康熙癸丑進士改庶吉士授主事官至戶部尙書協辦大學士以事罷復

起禮部侍郎贈太子太傅諡文定

詩話文定剛介特立屢躓屢起以忠廉稱歸愚稱其詩風骨不落開寶以後嘗製詩枕名流多題詠之想見風致

怨別離

思君恨夜長寂寞空牀宿思君恨日短白頭一何速長短空自知思君無盡期登樓時一望楊柳夾隄垂黃鳥鳴其上喈喈有餘悲聽之動中懷羅袖春風吹春風忽已換闊別恩情斷織錦寄遠人遠人隔河漢

送友人出使塞外

許國年方少看君絕塞行一身憑虎節匹馬出長城月色  
侵裘冷霜花拂劍明燕然山畔石到日好題名

秋日郊行有感

偶因尋客去騎馬出青門落日銜千樹寒流抱一村田家  
收黍稷場圃散雞豚父老驚心目將軍獵騎繁

送隨義文出塞

兩出居庸地憐君常苦辛風沙隨去馬雨雪滯行人地闊  
軍民少天寒部落貧須知柔遠意率土盡王臣

登三屯鎮城樓

雉堞連山起登臨亦壯哉一聲南雁去萬里北風來苔沒  
前朝碣雲寒上將臺興亡無限意尙想濟時才

寄施愚山

才名久已動中原  
歸卧東山道更尊  
座上何人爭刻燭  
花間無日不開尊  
春陰疊嶂雲生戶  
水滿雙谿舫到門  
謝氏芝蘭今正發  
鸞書應自下江村

韓莢字元少別字慕廬長洲人康熙癸丑一甲一名進

士授修撰官至禮部尙書諡文懿有有懷堂集

詩話文懿善舉子業以古文爲時文詩名頗爲文掩人罕知者其自序尤深致挹損之意然其刻露性情吐納風雅一種要眇之思生動之致纏綿往復每令讀者掩抑低徊不能已已固卓然成一家言

寓直書懷

丁丁蓮漏出花遲  
紫禁清宵寄一枝  
仙掌相如應減渴  
玉桃方朔訝長飢  
攬衣漸覺緇塵積  
握槩多慚藜火窺  
夢斷疎鐘長樂外  
一聲聲與白雲期

和東坡餽歲別歲詩



木瓜知苞苴厚意聊以佐濫觴自古人後來乃以貨如聞  
暮夜問取印如斗大豈知幽栖者歲晚只高卧狼籍惟琴  
書芳塵凝滿座借問腐儒餐無乃出馬磨敢波及父老簡  
略誠吾過清風儻可贈於囑請君和

冉冉年復盡跳丸不肯遲出宿飲醲者俯仰安可追行行  
重行行去者天一涯君自此遠矣勞苦問歸時歲去尋當  
來決無食言肥行看春女思復見秋士悲花開卽花落銜  
杯不須辭醉鄉無日月或忘吾久衰

日月不我與守者添畫蛇人生蟣蝨耳譬若禪中遮魯儒  
愛尺壁櫝毀可奈何或者起揮戈跳去寂無譁聊爲烈士  
吟復擊漁陽搥黃雞纔曉唱白駒又飛斜君看彭與殤修  
短俱蹉跎不如秉燭游達者乃足誇

顧子元臣同侍御行并贈

君家才子稱癡絕今日輪君才更神百頁蠻牋磨墨汁三  
升濁酒岸細巾江頭螺女常酬客洞口榴花不避人肯信  
薄游無秬載錦囊贏得貯清新

汶河橋

石梁互長虹水流聲活活野色曠蒙山犖确露山骨及此  
愛清漣復乃得奇石瞰流勢欲奔連脈斷若劃層層落芙  
蓉片片碎雲葉倒卧九疊屏噴激百道雪嵌空劣容杯平  
鋪多得月緬昔汶陽田二三勞爭割我今坐盤桓誰予復  
誰奪

上巳讌集碧山堂

暮春猶是永和初花正開時柳乍舒白社已荒三仕外碧

山重禊十年餘故人落落新來雨澹月纖纖小摘蔬我乃  
酒狂狂不得漏聲催箭整冠裾

送姜友棠孝廉南還酬次來韻

三山風送謫來仙入洛才名籍籍傳幾束牛腰驅筆下六  
朝塵尾話尊前暫同石鼎分聯句休向江蘼苦問天兩劍  
雙環真不易脊令孤影一潸然

傷西

王鴻緒初名度心字季友號儼齋又號橫雲山人婁縣  
籍華亭人康熙癸丑一甲二名進士授編修官至戶  
部尙書有橫雲山人集

詩話季友農山侍御之子伯兄顯士官至大學士仲  
兄子武官至總憲皆廬文譽儒雅風流一門鼎盛芝  
麓序其詩謂其原本風騷一詣於古人之風格非阿  
好也確士稱其善於學杜而以未見全集爲憾豈爾  
時流布尙不廣耶明史案傳出萬季野之季友爲  
總裁能專任而卒成之其署橫雲山人亦未爲掠美

也

西園

每愛西園好清樽到竹亭石潭流霽月崖木雜秋星兄弟  
同晨夕乾坤任醉醒寥寥無識者空著太元經

歸來

長鋏歸來日貂裘欲敝時吾親憐久客扶杖喜相持款款  
談征路依依問舊知自朝還至暮盡室慰離思

吾母倚閭久風塵望早歸驚看游子面爲浣去時衣巖筍  
經冬出慈烏向晚飛白華堪志養不必羨甘肥

半載京華客歸來意若何早凋三徑菊空廢五噫歌閒帙  
蟬魚落塞帷蛛網多草堂須檢校從此卧山阿

曉發羊流店

暮宿荒村聽斷鴻曉驅行李入空濛徂徠北繞千林合太  
嶽中盤萬嶺雄天作凍雲方釀雪馬思霜草半嘶風人生  
出處緣何事得失應須付塞翁

過平原飲董默菴前輩宅

疲茶萬山間路險天地窄昨朝出厓谷豁達平原陌有使  
前致辭邀我話疇昔策馬入城闔爰訪晏相宅公聞足音  
喜早已途中逆升堂拜未畢樽俎羅几席雖感故情深毋  
乃不速客卻念十載餘雲山兩睽隔今晨快把臂敢辭露  
肝鬲憶昔鉤黨興何處無彈射我公天人姿迅舉凌風翮  
鰕生愧燕雀翻飛不盈尺幾遭一網盡那復逃拊撫時公  
秉斧鉞察余戶掃迹朗朗明月輝迴照尋山屐嗟哉彼譖  
人陰凝毒霧積仰荷皇天鑒渙汗別黑白撫躬增內省感

激彌跼蹐欲酬悞懔懔德踵頂難塞責九章發楚哀三宥蒙  
堯澤吾儕幸無恙此豈由人畫翳惟至聖仁始得收魂魄  
於公本同患所以相剖析當筵聊一歌往事等駒隙共倒  
杯中物轉爲別離惜

戒壇

獅子巖頭十八轉兩厓相峙路如綫青巒碧澗繞珠林丹  
壁雕闌聳禪院禪院峨峨蒼松寒連柯接葉捎雲端踟躕  
有似翠蛾舞天矯時作蛟龍盤立者倚者各有態或疎或  
密何珊珊黛色參天淩漢柏濃枝避雨勝秦官我來婆娑  
至日暮耳邊蕭颯流青湍不知植根幾千載霜皮百尺雄  
齋壇憶昔少游慈仁寺殿角雙松交古翠童童如蓋映芳  
樽未飲先教心已醉可惜花宮作賈廬枯株零落充炊煙

豈若茲松居塵外豐神舄奕層厓巔乃知市朝摧折易衰  
朽山林岑寂多長年嗚呼山林岑寂多長年北窗我欲耽  
高眠

霧中由戒壇度羅喉嶺稍霽至潭柘

旣瞻戒壇松言觀潭柘樹山僧勸我且莫行白額秋來亂  
林塢我聞斯言大呼怪欲行不行日亭午此生到處被物  
厄不信山游復有虎攜朋大笑出寺門樵子前驅荷干櫓  
聯鑣兀兀雲霧中羊腸鳥道愁花驄十步九折凌絕壁仰  
面直欲摩蒼穹但覺千山萬嶺同一氣舉世高下歸鴻濛  
我僕馬蹇滯巖底招呼不辨西與東茲山猛獸固安在耳  
邊作吼惟松風須臾度嶺四天豁西崦已墮銅輪紅忽見  
九峯開錦帳朱霞一抹青芙蓉紅樓金殿聳天際秋林杳

靄聞清鐘我策我馬入幽谷  
苾蒨相引巖之麓紺宇輝煌  
繞玉闌禪房窈窕搖修竹  
古栢千章無復存妙巖雙趾  
今誰續日斜不及訪龍泉  
仰覩峯頭亂紅綠對景行  
廚瀉酒醅臨風萬里酣高臺  
我且歌君莫哀元規朝市多  
塵埃城外名山誰看來

送顧俠君南歸

黃金臺下驂騑去塵世誰知相  
馬經擊筑痛浮燕市白釣竿  
歸指莫釐青鳳毛共許傳靈  
運龍尾何妨屬管甯應有珠  
璣千氣象選樓高傍少微星

徐秉義初名與儀字彥和號果亭  
崑山人康熙癸丑一甲三名進  
士授編修官至吏部侍郎有耘  
圃培林堂

代言集



秋日送黃仙裳南歸

長安松下讀書人，阜帽蕭然迥出塵。  
暫傍香臺尋勝侶，卻乘秋水問歸津。  
詩傳摩詰眞如畫，豪擬元龍未覺貧。  
猶記高樓吟嘯處，十年迢遞海陵春。

徐倬字方虎，德清人。康熙癸丑進士，改庶吉士，授編修。

官至禮部侍郎，有應制集、蕢村集。

詩話：蕢村以文學事景陵，既乞歸，迎鑾獻頌，屢被賞。資晚乃卽家，加禮部侍郎，嘗編進全唐詩錄百卷。後敕編全唐詩以李蒼葦所編爲藍本，益擴而廣之。

聞蛩

鄉國三千里，寒蛩總一聲。  
遙知閨閣內，共此別離情。  
響入秋砧細，愁先朔雁鳴。  
銀鐙何太苦，起坐到天明。

舟中雜感

雀啄黃花滿眼蒿雁連雲影下空壕投人自賤隋明月無  
褐空思秦復陶碣石寒碓催玉露廣陵秋樹接銀濤應知  
雨雪前途盛歲暮誰知左伯桃

湖上酬夏鹵韻

青絲一騎出長安明聖湖頭把釣竿花柳坐催名士老湖  
山約與酒人看好憑酬唱東西屋莫妒聲名大小冠昨夜  
新詩欺白雪雪兒歌罷不勝寒

泃河道中

嶧山湖畔峭帆飛菰蔣菖蒲滿釣磯槌犢羣來知近市野  
鳧浴久覺船稀攤書客倦烏皮几聽雨涼生白袷衣此去  
江淮行不遠黃魚正美雪鰯肥

坐段橋

寒蟲喚出游我亦負喧至緩足沿河隄十步九迴憩黃葉  
樹如妝秋山雲愈媚游魚聚空潭歸騎勝逸轡羣類各有  
依孤客心何寄悵焉成獨坐石梁對空翠

舟中戲題

雪後微風捲浪遲緩搖柔艣怕鷗知舟中倦客閒憑几不  
見舟移見岸移

李基和字協萬號梅崖漢軍旗人康熙癸丑進士改庶  
吉士授知縣官至江西巡撫有梅崖山房詩

詩話梅崖居官著風節撫江西將上官間歲饑道中  
貸金市米至南昌卽令平糶罷官居僧寺旋病卒嘗  
過代州賦詩曰誰識雁門今夜月山川別樣在冰壺  
漁洋亟稱之謂彼士高涼可以想見當與中洲集揚  
雲翼詩並傳

春日遣懷

春日遲遲春未闌，愁懷欲放又難寬。  
棄餘久已如雞肋，知味何須食馬肝。  
庭樹兩年根較固，籠禽數語韻多酸。  
澗阿有約誰歸去，寤寐無忘爲考槃。

壽安寺讀王北山給諫詩，愴然有感，因步原韻。

人去山無恙，秋深氣更清。  
新詩餘敗壁，古屋倚衰楹。  
日暮雲歸岫，峯環樹作城。  
蒼涼今昔夢，揮涕欲沾纓。

中秋旅夜

故鄉何日到，今夕是中秋。  
落落空庭月，高高客夜樓。  
野煙當樹暝，旅雁入雲愁。  
遙憶諸兄弟，相歡在潤州。

宮夢仁字宗袞，號定山，靜海籍。泰州人。康熙癸丑進士。  
官至福建巡撫。有齊魯詩。

八達嶺

八達傳天險征塗迴未經童山當畫白絕澗入秋青馬首  
穿雲蓋人聲轉石屏側身高處望瀟灑意常醒

清江送張友鴻之滇中司理并寄訛藩臬諸公

簫鼓中流雜棹歌仙郎擁傳下牂牁百年詞賦題金馬萬  
里風煙阻石螺蠻俗古來多健訟主恩天外待鳴珂昆明  
戰伐今何似寄語加餐老伏波

周士皇字偉臣號靜庵武昌人康熙癸丑進士歷官通  
政使

西山懷古

月照殘崖鳥亂鳴鄉州井里尙榛荆寒流猶繞吳王壘暮  
雨空催白帝城古木有陰堪避暑荒山無地可謀耕逢人  
若道英雄事惟有江流不斷聲

顏光猷字秩宗號澹園曲阜人康熙癸丑進士歷官河

東鹽運使有 watermark 樓詩

詩話澹園弟修來康熙丁未進士官吏部考功司與田綸霞朱牧仲葉井叔輩稱詩輩下有十子之日澹園通籍在修來後官中書兄弟皆有詩名時方之陸云常攜一琴自隨與至輒鼓之公暇操絃嘯詠不改素風在安順知府任值營伍不靖脫巾呼譟上下錯愕徐出片語定之不動聲色戡變難於倉卒錄其去安順詩亦見仁廉之效也

宿蟠龍山法海寺

山勢蟠龍倣一門天花歷歷躡雲根秋高露濕雙松白夜靜鐙寒一殿昏石景山前還繫馬祕魔崖上更嘯猿何當同鼓西山屐糧盡今朝且莫論

去安順

苗女蠻童且自親家鄉萬里可憐身黃堂自笑衷腸輾五

載何曾斃一人

山高地僻景荒殘白髮黃堂去習安漫說三年金十萬何人留得一錢看

汪鶴孫字雯遠錢塘人康熙癸丑進士改庶吉士有延芬堂集

剛劉鐵庵次張笨山韻

駿馬長鳴日蛾眉只索居玉禾驚歲晚團扇及秋疎荷鋪宜耽酒然藜莫校書幽棲能結伴選勝到精廬

廣游仙詩

瑤島靈踪不易尋古來名籍卻森森懸知易貴非仙骨要識難窮是道心

盡日風波思不驚綠蓑青笠最清真吾師合是元真子紫

綬朱幡豈足榮

割肉攜歸洵足豪  
細君暢好共持醪  
漢廷枚馬皆廝品  
不及東方待詔高

高閣通天詎降眞  
沈檀擾擾祇埃塵  
蓬山吾輩須爭座  
不作持幢搗藥人

幽憂最是人間累  
放曠元爲學道先  
可愛當年王子晉  
吹笙未了便登仙

謝簡捷字子茅廣東海陽人康熙癸丑進士官內閣中書有戒心旅吟南還雜詠等集

戊申北上同人餞別南湖卽席賦詩

紅蓼灘頭青雀開  
金尊玉管坐徘徊  
錦塘荷氣因風散  
高樹蟬聲帶雨來  
十里雲山愁送客  
百年朋舊幾登臺  
河梁



分手情何限一曲驪歌首重回

黃伸字美中元城人康熙癸丑進士

送別趙秋水兼寄申鳧盟觀仲兄弟

七月西風吹井梧池荷漸老庭葵疎鳴蟲唧唧夜色徂羈  
客徘徊臨前除送君尙記與君別黃金臺下無顏色還家  
忽忽音書絕君去并州我適越泊我歸來卧舊邱聞君又  
買廣陵舟同在天涯不相值江山悵望生離愁兩年不見  
增白髮相逢遺我詩盈篋三伏炎蒸金石流展卷灑灑飄  
冰雪河朔快飲五陵豪留君不住心煩勞匣琴罷酌坐深  
宵玉露無聲銀漢高悠悠此意無終極說向世人應不識  
歸見荆園兩弟兄爲道別後長相憶

過丹陽晤九達

大江何浩渺數載間情親別夢西冷月愁心北固春山川  
爭待我衣食尙隨人不盡班荆意相看各愴神

柯維楨字翰周嘉善人康熙乙卯舉人已未舉博學鴻  
詞有澄煙閣集

夜發吳江

楓葉晚秋紅平江驛路通夕陽餘野渡衰草戰涼風烏落  
寒山外鐙明古寺中扁舟一樽酒邀月與誰同

春暮送周青士

入春春半百花開良友乘春放櫂來花爲春歸偏早落人  
當春去卻同回三千遠道他時夢九十韶光此日哀把酒  
送春兼送別勸君且盡故人杯

望仙亭和韻

峻嶺落天風遙凝碧漢通鐘鳴高樹杪人語亂山中雨過  
奔泉白雲開射日紅從憐巢鶴去丹竈久應空

途中雜詠

山開隆慮容馳馬路入韓陵好射雕滿飲酡酥人不醉鄴  
城東望正蕭條

李來章初名灼然以字行號禮山襄城人康熙乙卯舉  
人由知縣歷官兵部主事有禮山園集

暮春憶圖南伯氏

獨遇山川眼倍明邇來詩酒是同盟欲將騷賦追平子肯  
放春杯讓步兵樹密層陰藏野鳥花稠香霧上棋枰雙柑  
斗酒長松下芳草流鶯喚曉晴

邵瓚字柯亭大興人康熙乙卯舉人官昌邑知縣

春日雜興

春風不媚俗一例到閒門  
新樹移鄰圃青衫染酒痕  
世情浮宦拙吾道布衣尊  
盡日讐書卷藜牀坐覺溫

王作肅字敬一吳橋人康熙乙卯舉人官南宮教諭有  
復初齋詩草

秋夜

徙倚霜天晚清吟到夜分  
高樓先得月寒水欲生雲  
木葉當階落砧聲隔院聞  
秋空風正急飛雁不成羣

彭定求字勤止又字訪濂晚號止庵學者稱南昀先生  
長洲人康熙丙辰一甲一名進士授修撰歷官侍講  
有南昀詩藁

文選樓懷古

縣圃風流翰墨場客心憑弔劇蒼涼  
揆文已擷江山麗主器應扶社稷長  
委巷年深塵刹暗虛檐晝掩草庭荒  
不知慧業歸天上可得神游近戴匡

邵二泉先生閒居四戒詩卷書後

昔聞廉公言曾受孔子戒詎惟蓮社徒  
嚴淨超塵界洗心密以藏義闡義皇卦  
參之在性天睹聞所未屆凜茲入德門  
窒欲慎一介上士敦躬修力障隄防壞  
偉哉邵夫子道南衍宗派正學人倫師  
警惕恒匪懈矢此閒居箴砭砭俗寓深  
喟哀彼夸毗子縱度恣娛快躁進而苟  
得侈淫乃交害四者實循環釀毒甚蜂  
蠆覆轍盍鑒諸沈疴須急瘥置身廉讓  
間食色捐業債皇皇澡浴勤寸絲原不挂  
粹然復天真微陰去夬夬精金汰沙礫  
嘉穀棄蕒稗敬聆木鐸鳴底

事徇膜拜三復祇服膺心神頓瀟灑未敢綴后詞牽延等  
菅蒯

秋丁日補送文文肅姚文毅陳文莊三公神位入長  
洲學鄉賢祠敬識

名教久淪替榛蔓沿黷宮鄉祀古所重論定百年中庶幾  
光俎豆足與震鼓鐘云何僭且濫勢利紛交訐沮喪詩書  
氣彫殘禮樂容遂令賢傑輩避地羞雷同近者更侈炫郡  
邑淆所從典司罔稽覆名籍滋混蒙栽栽三鉅公茂苑挺  
英蹤齊鳴朝陽鳳並躍雲津龍末運丁板蕩屹如鼎足重  
邱山既合響至今闕瞽宗小子仰典型桑梓維敬恭清議  
永不磨地以人斯崇殲波存砥柱後起當聞風

胡會恩字孟綸號若山德清人康熙丙辰一甲二名進

士授編修官至刑部尙書有清芬堂存橐

沈歸愚曰司寇不以諸名然舍  
官阻商天然明麗其品自貴

歲暮雜感

躑躅塵深處淹留歲晏時未工西第頌難免北門詩簫鼓  
鄰家讌羔豚臘夜祠故鄉長望遠幽夢發南枝

昨歲征鞍上冰霜閱歲華汴河驚柳葉燕市殢椒花蝸角  
眞成誤蓬心轉自嗟蠶金人共羨無復一經誇

寂寞西清客輸他畫省郎抱書寒暑月驅馬掖門霜過眼  
脂韋態驚心角逐場不逢詹尹卜何處決行藏

小孤山

斗絕中流一柱尊天留拳石峙江門迴風巨壑蛟鼉徙背  
日陰崖鶴雀屯絕頂倒垂飛閣影孤根全齧怒濤痕女郎

祠廟何年事遂有靈旗月下翻

張榕端字樸園磁州人康熙丙辰進士官至禮部侍郎  
有蘭樵河上橐歸田橐

庚辰重午閭百詩徵君招飲楚州城西之湖因有學  
士湖之目且舉太白沔州詩爲起句賦詩見贈余  
愧不能承也輒成二十韻奉答

郎官愛此水因號郎官湖吾來客楚州跡與曩哲殊三年  
歷傳舍炎雪勞馳驅瓜期偶息影偷閒亦須臾主人敬愛  
客放棹攜百壺繡幕漾雲水牙檣狎鷗鳬紛紛角黍筵畫  
舫凌虛無靈均日已遠節物留歡娛歡娛亦何有清賞在  
吾徒談笑愜素心至樂非笙竽主人今謫仙胸有驅龍珠  
乃援沔州例標此名勝區我名以湖傳佳境恐厚誣雖爲



香案吏本是山澤臞家園溢水陽三徑行就燕中宵劇歸  
夢猿鶴勤招呼身隨綵絲繫病藉艾草蘇笑此朱夏天清  
霜點鬢鬢虛名重刻畫麗句重操觚君詩勿傳播馮夷定  
揶揄

上己用石虹韻

行藏久已任邈迤客裏渾忘上巳辰祓禊縱能臨曲水脂  
車無計轉方輪幾番風雨催花信賸得煙霞媚野人感荷  
君恩容浪迹懶隨漁父問河濱

旅次洛陽

渡河尋古蹟遙羨洛陽名硤折疑無路林開忽有城夕陽  
落處大歸鳥去邊明莫厭村沽薄詩從半醉成

李應廌字諫臣一字柱三號愚菴日照人康熙丙辰進

士改庶吉士授編修歷官內閣學士兼禮部侍郎銜  
有甯拙堂詩藁

保安衛道中

居庸西下盡煙巒夏木翻風料峭寒沙磧馬嘶邊草短山  
椒雲破驛樓單天連雁塞高橫岫水落洋河淺見灘自笑  
書生乘傳出白頭羞戴進賢冠

高層雲字謾苑江南華亭人康熙丙辰進士歷官太常  
寺卿有改蟲齋詩

送周紫海游華嶽

巨靈擘連山洪河乃東落峻嶒豁雙華高天擢蓮萼千峯  
列兒孫拱伏類卑弱少昊揚金精元氣鬱磅礴古來避世  
士長嘯此巖壑濟時心孔殷神化特假託我觀陳圖南壯

志小廖廓蒼生本無與何爲墮驢噉龍蛻邈千祀繼者仍  
寂寞青齊得周子有道耽藜藿不謂猶龍姿養晦同屈蠖  
長風吹孤雲飄然向京洛攬秋嘯儔侶攜手城南郭言將  
尋玉井側帽裏芒屨到日想躋攀翠棧飛猱獮箭括通一  
門煙霞任揮霍仰首問寥天願偕玉女博凌空笑退之爾  
何有餘愕

瞿唐

連山接巴東地險勢復壯誰闢鴻濛開插天列青嶂灩澦  
立江門突兀獻奇狀摩挲兩鐵柱越歷幾興喪驚濤奔紫  
崖魚龍不敢傍眾山自迴合前行欲何向初疑水際窮忽  
轉天心曠恍如出甌底沸釜掀層浪赤甲與白鹽開闔似  
屏障丹黃蒼翠間日色相摩盪割據慨當年雄長不相讓

流覽卧龍圖英姿迴堪尙探奇自茲始彌覺心神王

馮雲驢字懿生代州人康熙丙辰進士歷官禮科給事  
中有翠滴樓詩集

題畫

輕雲漠漠暮煙飛樹色冥濛暗翠微遙見汀洲最深處一  
江風雨釣船歸

上元

擊柝邊城樹影疎蕭條鐙火月明初上元自昔春如海誰  
奏監門鄭俠書

王奐曾字元亮別字思顯號誠軒山西太平人康熙丙  
辰進士歷官湖廣道監察御史有旭華堂集

鉛山河口卽目

一重芳草一重沙幾縷新煙幾片霞  
雨後篷窗關不得村  
村屋角有梨花

嫩綠初生樹斬新灘頭春漲正粼粼  
一羣白鷺誰驚起有  
箇殘陽喚渡人

談九乾字震方號未庵德清人康熙丙辰進士歷官吏  
部郎中有淮浦詩

渡江

黑雲如幄罩江口狂風怒捲潛蛟吼  
垂垂天閣孤鳥斷騰  
騰浪掀萬馬蹂岸東岸西好山色  
一時慘淡渺何有人見  
青山江上蹲不知江挾羣山走江中  
之人狎於江拽帆捩  
柁誇能手只怕盤渦一道斜溜若沸  
湯勢更陡歸船急渡  
豈得已平生忠信殊不苟建州小餅  
淪中冷且呼山童展

茶曰

送許暘谷

子從虞山來衣帶虞山雨山色近如何蒼煙橫碧縷苔斑  
封劍石綠陰滴桐乳胡爲忽拋卻鬱鬱首欲俯黃金臺已  
空易水風猶古舊時屠狗人晨星朗三五此行定有合未  
必無小補而我不自聊生乃與噲伍去程無計留同期可  
預數豈不懷高堂亦將念眉撫故山楓葉紅歸作秋樹主

暘谷軒  
名秋樹

霅川錢子懷白以黔西近詩見示讀竟感賦

依舊鷗莊葺敝廬蠻鄉蕉鹿夢何如天爲李燮終開網人  
似虞卿只著書已覺浮生無處著偏憐故態未全除蹉跎  
我亦瓜圃老衰髮星星不耐梳

得還初服亦君恩寸舌猶留且莫捫驚鳥僅堪嚇腐鼠郊  
犧翻欲悔孤豚紅塵勘北遙千里黃葉江南自一村爲約  
蘋花最深處魚竿秋水恰當門

葉舒崇字元禮號宗山吳江人康熙丙辰進士官內閣

### 中書有宗山集

詩話元禮游漁洋之門漁洋有詩云阮家未卧酒壚  
旁荀令橋南悲恨長鶯脰湖邊逐春水化爲七十二  
鴛鴦爲元禮遇平望酒家女子而作  
與竹垞高陽臺詞所詠乃一事也

### 荷蘭國進千里馬歌

皇帝御宇之六載負展致政歸彤墀大開明堂治六服萬  
國會同車馬馳海波不揚通遠道紛紛重譯來京畿九州  
之外荷蘭國人物竊停言兜離一朝稽顙表忱悃驂駟作  
貢稱珍奇雄姿逸態世罕有奔騰千里猶嫌遲驕嘶自許

邀寵眷不憚跋涉經險巇牽來獨立玉階下遂令凡馬皆  
驚疑姬王詎必重八駿漢帝安用遣貳師那知至尊方偃  
武端拱南面垂裳衣詔謂圉人歸廐下予以銜勒聊鞿羈  
鸞旗在前屬車後朕乘此馬將安之聖朝豈復畜奇獸留  
茲用慰遐方思

秋日雜感

北風千里痛離觴一去長沙自古傷幸有文章能報主何  
妨魑魅喜投荒驚心白壁三年淚回首黃金五月霜聞道  
吳江佳句在上書今已赦鄒陽

金陵有感

狂來不減步兵愁行盡清溪古渡頭極目羣山還繞郭感  
時雙鬢怯登樓桓伊邀笛人誰在謝傅圍棋墅尙留俯仰



只言天塹險白鷗紅蓼滿汀洲

納蘭性德原名成德字容若滿洲旗人康熙丙辰進士

官侍衛有通志堂集

韓慕廬曰容若詩有開元風格頗好為詞跌宕流連以寫其所難言晚乃雋意經史且欲窺尋性命之學其志蓋日進未已也徐健庵曰容若讀書過目不忘善為詩尤工於詞自唐五代以來諸名家詞皆有選本好觀阮宋之於詞自唐五代以來諸名家詞皆有皆歸之阮唐宋之於詞自唐五代以來諸名家詞皆有試十九成進士二十二授侍衛天姿英絕蕭然若寒素擁書數萬卷彈琴歌曲評書畫以自娛不知為宰相子也書學褚河南幼善騎射自入環衛益便習發無不中扈從塞垣珣弓牙箭環列罽帳以意製器多巧俚所不能到

詩話容若以詞名一代詩才俊逸飄飄凌雲擬古諸篇直欲上希太白絕句尤多深婉如秣陵懷古云中

原事業如江左芳草何須怨六朝柳枝詞云生憎飛絮吹難定一出紅窗便不歸皆所謂傷心人別有懷抱也

擬古

客從東方來叩之非常流自云發扶桑期到海西頭白日  
當中天浩蕩三山秋迴風忽不見去逐靈光游燭龍莫掩  
照使我胸中愁

天門詖蕩開翕翕羅星躔白日矚微躬假翼令飛騫平昔  
紫霞心翻然向凌煙雙吹鳳笙歇宛轉辭羣仙越影翺浮  
雲橫出天駟前玉繩耿中夜斗杓何時旋

予生未三十憂愁居其半心事如落花春風吹已斷行當  
適遣道作計殊汗漫寒食百草青薄暮煙冥冥山桃一夜  
雨茵箔隨飄零願餐玉紅草一醉不復醒

白雲本無心卷舒南山顛遙峯如夢中孤影吹能還忽然  
聞高霞霏霏欲成煙風花落不已流輝轉可憐皎潔自多

愁況復對下弦高樓夜已半惜此不成眠

世運倏代謝風節棄已久磬折投朱門高談盡畎畝言行  
清濁間術工乃愈醜人生若草露營營苦奔走爲問身後  
名何如一杯酒行當向酒泉竹林呼某某時有西風來吹  
香滿罌缶不問今何時仰天但搔首

宛馬精權奇歛從西極來蹴蹋不動塵但見煙雲開天閑  
十萬匹對此皆凡材傾都看龍種選日登燕臺卻瞻橫門  
道心與浮雲灰但受伏櫪恩何以異駑駘

魏闕有浮雲蔭茲白日暮返景下銅臺歌聲發紈素流輝  
如有情千載照長路漳河不西還百川盡東赴時哉不可  
失讜言思所悟雨後望西陵蔓草繁古墓安得爲飄風永  
吹連枝樹

朔風吹古柳時序忽代續庭草萎已盡願視白日速吾本  
落拓人無爲自拘束倜儻寄天地樊籠非所欲嗟哉華亭  
鶴榮名反以辱有客歎二毛操觚序金谷酒空人盡去聚  
散傷局促攬衣起長歌明月皎如玉

又贈馬雲翎

岩巖最高山山氣蒸爲雲物本相感生相感乃相親吁嗟  
人生不可擬君南我北三千里一朝傾蓋便相歡兩人心  
事如江水君身似是秋風客身輕欲奮凌霄翮語君無限  
傷心事終古長江江月白世事紛紛等飛絮我今潦倒隨  
所寓惟願飲酒讀君詩花前醉卧夢君去

送蓀友

人生何如不相識君勞江南我燕北何如相逢不相合更

無別恨橫胸臆留君不住我心苦橫門驪歌淚如雨君行  
四月草萋萋柳花桃花半委泥江流浩淼江月墮此時君  
亦應思我我今落拓何所止一事無成已如此荆江日落  
陣雲低橫戈躍馬今何時忽憶去年風雨夜與君展卷論  
王霸君今偃仰九龍間吾欲從茲事耕稼芙蓉湖上芙蓉  
花秋風未落如朝霞君如載酒須盡醉醉來不復思天涯

塞外示同行者

西風千萬騎颯沓向陰山爲問傳書雁孤飛幾日還負霜  
憐戍卒乘月望鄉關王事兼程促休嗟客鬢斑

景山

雪裏瑤華島雲端白玉京削成千仞勢高出九重城繡陌  
迴環繞紅樓宛轉迎近天多雨露草木每先榮

蕉園

見說齋壇闕前朝太乙祠鶯邊花樹樹燕外柳絲絲宮籞  
人稀到辭臣例許窺今朝陪豹尾新長萬年枝

秋日送徐健庵座主歸江南

江楓千里送浮颺玉佩朝天此暫辭黃菊承杯頻自覆青  
林繫馬試教騎朝端事業留他日天下文章重往時聞道  
至尊還側席柏梁高宴待題詩

山海關

雄關翹首戴靈鼇控制盧龍駕虎牢山界萬重橫翠黛海  
當三面湧銀濤哀笳帶月傳聲切早雁迎秋度影高舊是  
六師開險處待陪巡幸扈星旄

古北口

亂山如戟擁孤城一綫人爭鳥道行地險東西分障塞雲  
開南北望神京新圖已入三關志往事休論十萬兵都護  
近來長不調年年烽火報昇平

秣陵懷古

山色江聲共寂寥十三陵樹晚蕭蕭中原事業如江左芳  
草何須怨六朝

西苑雜詠和蓀友

太液東頭散直遲一雙水鳥掠楊枝從臣獻罷平瀕賦坐  
聽中涓報午時

黃幄臨池白鳥飛金盤初進鱸魚肥太平時節多歡賞花  
萼諸王半醉歸

香引輕颺散玉除下簾聲徹退朝初馬前此日承恩數也

逐清班許釣魚

講帷遲日記花飄下直歸來一惘然有夢不離香案側侍  
臣那得日高眠

記征人語

列幙平沙夜寂寥楚雲燕月兩迢迢征人自是無歸夢卻  
枕兜鍪卧聽潮

柳枝詞

池上閒房碧樹圍簾紋如縠上斜暉生憎飛絮吹難定一  
出紅窗便不歸

李瑞徵字吉占又字中峯容城人康熙丙辰進士授荔  
浦知縣己未舉博學鴻詞厯官戶部主事有麓餘草

秋夜讀書



古人竟何之見此秦時月落照青簡端冠履若飄忽澹對  
不相聞秋風天籟發敲枕研至精凜冽砭吾骨鬼神能害  
名漏洩受天伐蒲柳畏先零燕石守金闕何用此營營華  
簪寵短髮

辛酉冬澤州署中柬王仲昭

伊昔家大阮買楫浙江潮南中多偉人齒馨惟仲昭曾探  
帳中祕開卷走風濤緬懷二十載車弓同見招而我拙巷  
遇一笑各分鑣只今向潞澤行橐挂酒瓢聞君蓮花幕抗  
情在雲霄投刺而按劍寒鐙坐寂寥慷慨賦歸與馬鳴風  
蕭蕭

古意

桃李好顏色不如松柏心況結平生歡譜之蘭與金棄絕

果何意含情自沈吟願借明月光展君綠綺琴抱月彈流水哀怨激商音焉得秦樓鏡渙然開素襟

季騏光字聖昭號蓉洲無錫人康熙丙辰進士官諸羅知縣有蓉洲詩藁

視事諸羅

西風輕拂使臣車諭蜀相如舊有書細譯番音誠異域喜看野俗尙皇初自來窮海無飛雁從此荒村有市魚漫向空天長倚望黃雲晚日接扶餘

臘月同友尋梅道山登天秀巖和薛中丞葉太傅刻石原韻

此日閒尋最上峯幾盤蒼蘚隱芙蓉呼僧細讀雲邊字懺佛重陳海外蹤當嶺夕陽千樹合匝城煙火萬家封自憐

塵跡多潦倒消息江梅已早逢

由來勝跡重名公山水文章自不同近接凌霄惟片石遙  
窺蒼海只長虹暮煙多處層巒好寒葉疎時落照空少保  
祠前雲歷歷松聲不逐怒潮東

李聘字莘起號伊菴長垣人康熙丙辰進士官陵水知  
縣有余存集

詩話莘起出熊鍾陵之門初選江西甯都知縣邑多  
林谷佃客李矮等抗官租十餘年莘起單騎往諭遂  
感泣輸納後調陵水羣黎爲變獨  
陵水三十餘崗不從民至今稱之

自東流挽舟上建德

道出東流下輕帆帶雨過水從吳地轉山入楚天多竹鼠  
藏深樹江豚戲晚波南方風景異藉此慰蹉跎

登岸

犬吠孤村近人煙障幾重斜門三面水古屋萬年松苦菜  
當春種香杭趁月春無庸驚小隊我已遂歸農

初蒞陵水

漫道來何暮荒城一望愁牆垣多豎木官吏半乘牛賦少  
增榔稅差煩逮女流傷心諸父老何事忍誅求

已歷山川險還看物候殊古牆生蛤蚧官閣伴魑魍落日  
元猿嘯空城白鹿趨炎威難就寢兀坐話妻孥

馬子驤字右白靈壽人康熙戊午舉人官樂平知縣有  
午夢堂詩藁

春暮

昨夜輕黃上柳枝東風吹出一絲絲明知春色留難住不  
解流鶯恰怨誰

征人曲

日暮邊城畫角哀  
千羣鐵騎獵初回  
遼陽不是衡陽郡  
一紙曾無雁寄來

黃之裳字坤五元城人康熙戊午舉人官錦州教授

懷家兄客五狼

颯颯秋風涼飄飄吹我衣  
所思在海隅惆悵別經時千里  
遠爲客地僻音信稀憶爾羈旅單  
又恐所願違仰視河漢改君今歸未歸

游靈巖

雨後靈巖路霜楓落馬蹏  
峯迴山寺近樹接野天低  
孤塔橫雲斷層巒割霧齊  
坐看江色暮亂木鳥爭棲

申頌字敬立永年人康熙戊午副貢官唐縣教諭有耐

俗軒詩集

詩話敬立爲鳧盟猶子四庫收其詩入存目稱其出入蘇黃頗爲拔俗其本僅有五古一體光緒初夏範卿大令宰永年修縣志得其詩集九卷諸體皆備爲選刻五卷其詩五言特勝思力沈摯稍涉實相誠如四庫提要所言然精卓處不可掩也律句韻味不減鳧盟國初廣平詩人最盛後起斯爲健者

大鵬詠

蒙莊賦逍遙北溟生胸臆奇氣化爲鵬扶遙渺入極寰中  
小世界誰覩垂雲翼我欲乘其背不使六月息迴翔與天  
處俯仰周萬億戲擲一羽墜盡屈人間力庶幾服愚頑永  
絕戈與弋氣噓陰陽轉雨暘無愆忒翅簸山海平天下無  
傾仄兩爪握雙曜歲序無催逼我乃驅之游逍遙玩物色  
浩蕩無古今曾何辨畛域

鳳凰詠

鳳凰不出世徘徊念九州必逢舜與文始肯一來游寥寥  
三代後無足當其求抱瑞層霄上下憫江河流孔子老刪  
述麒麟掩荒邱何關鳳德衰祇爲天地憂

箕亭坐月

月滿沙溪白流光搖竹樹遙遙晚鐘鳴聲落幽吟處尙有  
耦耕人煙中聞笑語

紀殷仲泓事四十韻

雞澤有諸生殷淵字仲泓其父鎮興安是爲大陸公戰守  
兼惠養頗足慰兵凶嗣昌出視師剝削以自豐三日軍無  
食羣怒集貪口借公滅眾口竟以軍法從淵乃大悲憤叩  
閭憤宸聰帝怒撓軍機欲誅憐幼沖赦歸益自奮誓洞仇  
人胸乃與其兄岳晦跡混樵農及聞嗣昌死瞋目叱蒼穹

賊不膏我刃沒齒恨難終淵力猛如虎淵才矯如龍痛父  
復懷國恨世無英雄破產集義勇移檄會諸戎當時稱大  
帥蟒玉荷恩隆養賊以自固愚怯羞兒童遂使失天險長  
驅太行東腥氣徧畿輔千里煙氛紅聞有鼎湖泣奮袂思  
遺弓揮岳將母去避亂獅子峯淵乃倡大義哭廟會黷宮  
遂此擒僞官鼓進討元兇有大突牽衣長嚎淒以恫淵時  
亦心動眾志何恩恩是時肘腋間咸與賊眾通當淵哭廟  
時賊騎已環攻從人皆奔散隻身攬其鋒雙鋸縱莫當斬  
刈如蒿蓬苦戰無聲援圍合復數重仰呼天亡我誰收再  
造功身被十餘創日昏歎力窮遂爲賊所獲棄尸泮池中  
犬乃逐鳥鳶僵死衛其躬亂定收遺骸兼爲義犬封余每  
聞岳言慷慨仰英風求死孝不得乃竟死以忠捐軀在布



衣姓字誰見崇美新徒有揚長樂徒有馮請看義士大能不慚儀容

遣意

日入羣動息日出羣動作勞人失其常作息每逾格擾擾千萬端暫夢還錯愕勞人好爲勞不勞意不樂伏思上古時人生熙熙若無得惡乎失無善惡乎惡誰令知識開乾坤歸雕鑿制作日益繁風俗日益薄無論義與利同陷此束縛里巷遞悲歌後先總蕭索平生滿腹願畢命奚所託蹉跎我何爲黽勉學酬酢志屈氣不伸人猶譏簡略逢世終難工徒使朱顏削思出天地外放形同雲鶴揮手謝人羣俯仰何其廓

武安至涉縣作

涉縣倚山隅羣山相拱向峯巒森鱗鱗環詭不可狀古木  
互糾紛白雲自逸若土人不知名行旅誰眺望我欲窮幽  
險天晚妨游杖因思北土雄山川多奇狀妙理藏深寂孤  
高默自況吳越多雕鏤位置堪益益標題分名目反使山  
真喪龍從此大觀自然任天放斯世無真賞多爲詞人誑  
冥心契山靈寥寥誰同尙投宿隔深林沽酒酬青嶂

高秋霜氣輕愛茲山日暝攀援不辭勞取路快迂緩我僕  
猶深谷我身已絕巘往往數武間相失隔回轉人聲谷響  
傳雲散巖姿展平岡耀丹葩亂石翳蒼蘚細泉行履舄肅  
籟鳴絲管山深日易昏投林鳥能返吾亦尋所依雲際辨  
雞犬山家少茅茨鑿崖開客館供食無兼味民淳風俗儉  
飯罷呼主人挑鐙話款款

黎城至潞城作

昨夜山風急吹葉驚客館晨起聞雨聲未覺妨游覽荷笠  
出孤村行行雨漸緩山峯與雲峯出沒渾不辨夙愛巖谷  
奇今喜道路坦高吟興悠然委轡任山蹇原野徧氤氲旭  
日遙峯展空濛隔疏雨眾壑殊晦顯山鳥高下鳴倏見晴  
光滿雨氣蒸爲霞赤燄橫絕巘恨無良友俱妙賞誰余遣

落花感懷

未花望花開興在未花前花開旋復落惻惻春風前人情  
淡所無既有絕念難誰能齊得喪復作未有觀

同陳宗文寓叔寬高齋賦贈

吾黨賢豪士君誠未易過肝腸歷霜雪身世入風波道大  
文章細心孤感慨多何時同卜築朝夕話煙蘿

贈張明遠

小巷門常掩窗陰竹幾層貧憐養志子老作在家僧苦行  
逢人笑問心轉自憎揮杯時勸影明月是高朋

草閣

草閣著書罷長林秋色閒塵喧不到處庭戶若空山片雨  
隨風過殘雲帶鳥還蕭然無所事雙手納懷間

贈胡遜谷

少頻遭患難老計樂閒身半掩茅庭竹高吟驢背春不文  
焉用隱惟德始能貧薄俗徜徉裏誰知異眾人

元夕招同人賞鐙寄懷路庶常元升表弟

黃昏歌鼓集比鄰雪霽朱欄月倍新千里華鐙同此夕一  
庭芳草又生春詩才輦下今誰好友道天涯我輩真未審

故人懷故否相思不敢寄書頻

晚晴移詩匯卷三十七終